

堵以聞於尹尹率略人也怒其聚眾袒而笞之而乘風者既不哀祈亦無傷損顏色不變適之大駭方禮謁奏聞勅召入內殿訪其故乃蒲州紫雲觀女道士也辟穀久輕因風遂飛至此後因風復飛去不返

廣異記黃梅縣女道士張連翹年八九歲常持瓶汲水忽見井中有蓮花如小盤漸漸出井口往取便縮不取又出如是數四遂墮井家人怪久不還往視見連翹立井水上自後不食父母命出家爲道士年十八晝日於觀中獨坐見天上雨錢又雨黃藥吞二粒覺神情倍於常日

魯聰致雷王向分影

道藏輯要

三洞群仙錄

完

翼集五

續仙傳葉千韶字魯聰有道術嘗遇歲旱人請祈禱師卽焚香啟祝須臾降雨人有請致雷者以足擦地便鳴從地底轆轤聲一日於城市忽驅叱以振威人詰之曰我見某處火災故救之耳驗之信然

列仙傳王向生而秀異日望終南山高峰謂父母曰兒長大必居此山人甚器之旣冠不願仕以坐忘遺照爲事遇神仙孟先生授以道法能變化分形化影

謝雲一川王濤萬頃

集仙錄果州謝自然絕粒多言道家事詞氣高異刺史韓侂至郡疑其妄延入州閉之累月率長幼開籥出之膚體儼然